

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

**02. Allaffeqarfimmiit oqaasiinnartigut paasissutissiissutit**

Imm. 2.1 Allaffeqarfimmiit oqaasiinnartigut paasissutissiissutit

**03. Aningaasaqarnermut tunngasut**

Imm. 3.1 Soqanngilaq

**04. Suliassat naliginnaasut**

Imm. 4.1 Atugarissaarnermut ataatsimiititaliap piginnaatitaanermut pilersaarutaata allanngortinnissaanut siunnersuutip akuerineqarnissaanik qinnuteqaat. Maniitsoq aamma Sisimiut

**06. Paasissutissiissutit**

Imm. 6.1 2021-mi december-ip 31-ia tikillugu meeqqat, inuusuttuaqqat aamma meeqqat inersimasullu innarluutillit angajoqqaarsianut aamma ulloq unnuarlu paaqqinniffinnut, Qeqqata Komminianit inissinneqarsimasut pillugit ilisimatitsissut.

Imm. 6.2 Sisimiuni Maniitsumilu Atugarissaarnermut Immikkoortortanut tunngatillugu Isumaginninnermi Naammagittaalliuuteqartarfimmi piffissami 1. juli 2021-mit 31. December 2021 ilanngullugu aalajangiinerit pillugit ilisimatitsissut.

Imm. 6.3 Paasissutissiineq Sisimiuni Maniitsumilu Atugarissaarnermut immikkoortortanut tunngatillugu Kalaallit Nunaanni Ombudsmandimit 2021-mi saaffiginnissutit pillugit

Imm. 6.4 Siulittaasup aalajangiinera pillugu paasissutissiissut. Sisimiuni Atugarissaarnermut immikkoortortami Immikkoortumi aqutsisutut atorfiup Fuldmægtigimut allanngortinneqarnera

**08. Tamalaat**

Imm. 8.1 Tamalaat

Ataatsimiinneq aallartippoq nal. 13.09

*Peqataasut:*

***Inuit Ataqatigiit***

Juliane Enoksen, Sisimiut  
Agathe Fontain, Sisimiut

***Siumut***

Kirstine Olsen, Sisimiut  
Barnabas Larsen, Kangaamiut

***Naleraq***

Jens M. Lyberth, Kangaamiut

*Nalunaaruteqarlutik peqataanngitsut:*

*Nalunaaruteqaratik peqataanngitsut*

**Imm. 01 Oqaluuserisassat akuersissutigineri**

**Aalajangiineq**

Akuersissutigineqarpooq.  
Agathe Fontain aammalu Kirstine Olsen "tamalaani" apeqqutissaqarput.

## **02. Allaffeqarfimmiit oqaasiinnartigut paasissutissiissutit**

Maniitsumi pisortamit paasissutissiinerit:

- Inuuusuttuaqqat gruppe killiffia pillugu paasissutissiisoqarpoq, naatsorsuutigineqarporlu gruppe nutaaq ukioq manna aallartissinnaassallugu.
- Familiecenterissaq nutaaq naatsorsuutigineqarpoq kingusinnerpaamik juni 2022 atulerneqarsinnaasoq. Massakkumut allaffissuarmi sulisut sulinerminni pilersaarusrornerit suliaassat suliniutissallu suliarineqartarput.

Sisimiunit pisortamit paasissutissiinerit:

- Coronami tunillatsissimanermi aningaasatigut ikorsiissutit atorluarneqartartut maliginiarneqarpoq.
- ESDH atulernissaanut pikkorissaanerit martsip aallartinnerani ingerlanneqassapput. Siullunneqassalluni forandringsledelse taamaaseriarluni sagsbeandlerit aammalu superbrugerissat pikkorissarneqassallutik. Sulisut pappiaqqanik scannerillutit ulapputeqarput.

Siulittaasup paasissutissiissutigaa utoqqaat piginmaanerusut inissiartaat iserterfigineqartoq, inili qaarsuinnarmut isikkivilik ornigineqannngimmat inuttaleruminaatsinneqartoq. Iluatsillugu Agathe Fontain apeqquteqaatigaa inuttalersuisarneq qanoq ingerlasarnersoq. Pisortaagallartup akissuteqarfigaa tamanna A/S INI aqqutigalugu ingerlanneqartartoq taamaattorli utoqqarni sullisisut peqataatinneqartartut. Inunnut ataasiakkaanut tunngasut allaffeqarfimmut saaffiginnissutigineqartarnissaat pisortaagallartup kaammattuutigaa.

**03. Aningaasaqarnermut tunngasut**

Soqanngilaq.

#### **04. Suliassat naliginnaasut**

**Imm. 4.1 Atugarissaarnermut ataatsimiititaliap piginnaatitaanermut pilersaarutaata allanngortinnissaanut siunnersuutip akuerineqarnissaanik qinnuteqaat.  
Maniitsoq aamma Sisimiut**

*Journalnr. 02.00.01*

#### **Tunuliaquaq**

Maniitsumi Sisimiunilu Atugarissaarnermut immikkoortortaqarfiiat atuiffiinut piginnaatitaanermut pilersaarutip allanngortinnejarnissaanut siunnersuummik suliaqarput, taamaalilluni immikkoortortani aqutsisut, pisortaasunut tullersortit Atugarissaarnermut pisortat Atugarissaarnermut pisortaaneq aningaasaqarnikkut piginnaatitaanerulerniassammata.

#### **Maleruagassatigut tunngavissat**

Oqaaseqaatissaqanngilaq.

#### **Pissutsit atuuttut**

Atugarissaarnermut immikkoortortaqarfiiup aningaasaqarnikkut piginnaatitaaneq ullutsinnut naleqqukkunnaarsimasoq ulluinnarni malugisarpaa, piffissanngorsimavorlu iluarsaaneqarnissaanut.

Piginnaatitaanermut pilersaarut pioereersoq malillugu immikkoortortani aqutsisut, Atugarissaarnermut pisortat Atugarissaarnermilu pisortaaneq annikitsuinnarmik piginnaatitaapput. Tamanna allaffisornerujussuarmik kinguneqartarpoq, taamaammallu suliarpassuit Atugarissaarnermut ataatsimiititaliamut saqqummiunneqartassallutik. Tamanna innuttaasut qinnuteqaatimi akissutissarsinissaminnut utaqqinerusarput, tamannalu innuttaasunik sullissineq pitsaanerpaaunjngilaq.

Maniitsumi Sisimiunilu Atugarissaarnermut immikkoortortaqarfiiit innuttaasunik sullissinerminnik pitsangorsaanissaminnut sutigut tamatigut ukkatarinnipput, piginnaatitaanermullu annertunerusumut siunnersuut allaffeqarfimmut ingerlateqqinnejqarsinnaassaguni sullissineq sukkanerulissagaluarpoq.

Atugarissaarnermi immikkoortortaqarfiiup iluani ukiuni kingullerni Inatsisartut nutaanik arlalinnik inatsisiornikuupput, immikkoortortani tamani allaffissornikkut suliassanik annertunerulersitsisunik, nutaamillu piginnaatitaanermut pilersaaruteqalertoqartillugu suliassanut tamanna tulluarsarnejqarsinnaassalluni.

#### **Atuilluartuunissakkut kingunerisinnaasai**

Piginnaatitaanerulerneq immikkoortortani aqutsisunut, Atugarissaarnermut pisortanut Atugarissaarnermilu pisortaanermut ulluinnarni sullissinerannut pitsangoriartitsissaaq, aammalu ilusilersorluakkamik sulinissamut piffissaq annertunerulissaq kiisalu Atugarissaarnermut ataatsimiititaliamut suliad ingerlateqqinnejqartartut ikinnerulissallutik.

#### **Aningaasaqarnikkut allaffissornikkullu kingunerisinnaasai**

Oqaaseqaatissaqanngilaq.

#### **Allaffeqarfiiup naliliinera**

Atugarissaarnermut immikkoortortaq sukkanerusumik sullissisinnaalissaaq, innuttaasunillu sullissivik malunnaatilimmik pitsangoriaateqassalluni. Aammalu Atugarissaarnermut

ataatsimiititaliamut suliat suliarisassat ikinnerulissapput, taamaalilluni ataatsimiititaliap ataatsimiinneri sivikinnerulissallutik.

### **Innersuussut**

Atugarissaarnermut immikkoortortaqarfiup Atugarissaarnermut Ataatsimiititaliamut innersuussutiga

- Atugarissaarnermut ataatsimiititaliamut piginnaatitaanermut pilersaarummut allannguutissatut siunnersuut akuersissutigineqassasoq

### **Aalajangiineq**

Akuersissutigineqarpoq suliarlu Aningaasaqarnermut ataatsimiititaliamut Kommunalbestyrelse-mullu akuerisassanngorlugu ingerlateqqinnejassaaq.

### **Ilanngussaq**

1. Atugarissaarnermut ataatsimiititaliap communalbestyrelsemut innersuussutaa
2. Qeqqata Kommuniani Atugarissaarnermut ataatsimiititaliamut Piginnaatitaanermut pilersaarut atuutilersoq 26. April 2022
3. Qeqqata Kommuniani Atugarissaarnermut ataatsimiititaliap Piginnaatitaanermut pilersaarutaata allanngortinneqarnissaanut siunnersuut atuutilersussatut 7. Februar 2022

## **06. Paasissutissiissutit**

**Imm. 6.1 2021-mi december-ip 31-ia tikillugu meeqqat, inuuusuttuaqqat aamma meeqqat  
inersimasullu innarluutillit angajooqqaarsianut aamma ulloq unnuarlu  
paaqqinniffinnut, Qeqqata Komminianit inissineqarsimasut pillugit  
ilisimatitsissut.**

*Journalnr. 42.00*

### **Tunuliaquaq**

Sisimiuni Maniitsumilu Atugarissaarnermut Immikkoortortaq ukiup sisamararterutaasa naaneri tamaasa meeqqat inuuusuttullu angajooqqaarsianut, ulloq unnuarlu paaqqinniffinnullu inissineqarsimasut pillugit Atugarissaarnermut ataatsimiititaliamut, Aningaasaqarnermut ataatsimiititaliamut kiisalu Kommunalbestyrelsimit ilisimatitsissuteqartartussaavoq.

Taamatuttaaq meeqqat, inuuusuttut inersimasullu innarluutillit Kalaallit Nunaanni aamma Danmarkimi inissineqarsimasut ilisimatitsissutigineqartassallutik.

### **Maleruagassatigut tunngavissat**

Meeqyanut Inuuusuttunullu immikkoortortaq:

Meeqqat tapersorsorneqarnissaannut Inatsisartut inatsisaat nr. 20, 26. Juni 2017-meersoq §§ 46 + 47

Innarluutilinnut immikkoortortaq, Kalaalit Nunaanni inissiinerit:

Annertuumik innarluutilillit ikiorserneqartarnerat pillugu Inatsisartut peqqussutaat nr. 7, 3. november 1994-meersoq § 7 imm.1 aamma 2, nr. 8

Annertuumik innarluutilillit ikiorserneqartarnerat pillugu Namminersorlutik Oqartussat nalunaarutaat nr. 8, 25 juni 2014-imeersoq, § 45

Innarluutilinnut immikkoortortaq, Danmarkimi inissiinerit:

Annertuumik innarluutilillit ikiorserneqartarnerat pillugu Inatsisartut peqqussutaat nr. 7, 3.november 1994-imeersoq kingusinnerusukkut allanngortitaq § 7, imm.1, imm.2, nr 8 & 9 kiisalu imm.3

Annertuumik innarluutilillit ikiorserneqartarnerat pillugu Namminersorlutik Oqartussat nalunaarutaat nr. 8, 25. juni 2014-imeersumi § 50, 52, 53 aamma 60

Tikeraarluni angalanerit Danmarkimilu Kalaallit Nunaaniluunniit najugaqarnermi najugaqarfinnik neqerooruteqarnerit pillugit Isumaginninnerut ministeeriaqarfip Nalunaarutaa nr. 1389, 12.decembari 2006-imeersoq § 2, § 6 aamma § 8

### **Pissutsit atuuttut**

Sisimiuni Maniitsumilu Atugarissaarnermut Immikkoortortaq siunissami qaammatit pingasukkaarlugit, meeqqat inuuusuttullu angerlarsimaffiup avataanut inissineqarsimasut pillugit ilisimatitsissutit saqqummiussalissaq.

Ilutigalugulu meeqqat inuuusuttullu angajooqqaarsianut, namminersortunut aammalu ulloq unnuarlu paaqqinniffinnut namminersorlutik oqartussanit pigineqartunut nalunaarsuutit takussutissat kiisalu meeqqat, iinuuusuttut inersimasullu innarluutillit Kalaallit Nunaanni Danmarkimilu inissineqarsimasunut nalunaarsuutit takussutissat Ilaqutariinnerut Immikoortortamit saqqummiunneqassallutik.

Atuilluartuunissakkut kingunerisinnaasai  
Oqaaseqaatissaqanngilaq.

Aningaasaqarnikkut allaffissornikkullu kingunerisinnaasai  
Oqaaseqaatissaqanngilaq.

#### Allaffeqarfip naliliinera

Meeqjanut inuuusuttunullu Ilaqutariinnut paarsisartunut, namminersortunut aamma ulloq unnuarlu paaqqinniffinnut namminersorlutik oqartussanik pigineqartunut inissinneqarsimasunut Sisimiuni Maniitsumilu Atugarissaarnermut immikkoortortat ukkatarinnipput, taamatullu kikkut angerlartinneqarsinnaanersut maannamut aamma ukkatarineqarluni.  
Meeqjanik, inuuusuttunik inersimasunilluunniit angerlartitsinissamut immikkoortortami ingerlatseriaatsit akuerisaasut malinneqartarlutik

#### **Innersuussut**

Atugarissaarnermut immikkoortortap Atugarissaarnermut ataatsimiititaliamut isumaqatigalugu innersuussutigaa kommunalbestyrelse-imut

- 2021-mi december-ip 31-a tikillugu meeqqat, inuuusuttut inersimasullu angajoqqaarsianut aamma ulloq unnuarlu paaqqinniffinnut Qeqqata Kommunia Sisimiuniit Maniitsumiillu inissinneqarsimasut saqqummiunneqartut pillugit ilisimatitsissut tusaatissatut tiguneqassasoq
- Suliaq Aningaasaqarnermut ataatsimiititaliamut Kommunalbestyrelse-mullu ilisimatitsissutitut ingerlateqqinnejassasoq

#### **Aalajangiineq**

Tusaatissatut tiguneqarpoq suliarlu Aningaasaqarnermut ataatsimiititaliamut Kommunalbestyrelse-mullu ilisimatitsissutitut ingerlateqqinnejassasoq.

Juliane Enoksen-ip apeqqutigivaa siornatigut ataatsimiititaliamit tikkuarneqareersimasut, tassalu meeqqat angerlarsimafiu avataanut inissinneqarsimasut iluusissamik pilersaaruteqanngitsut pilersaarusiornissaanut allaffeqarfik qanoq sukkullu tapersersusassaanersoq. Pisortaanerugallartoq aammal Maniitsumi pisortaq akissuteqarput. Siulittaasup kissaatigaa 2022-imi junimi Atugarissaarnermut ataatsimiititaliaq ataatsimiilierpat takussutissiamik ataatsimiititaliamut saqqummiisoqassasoq, allaffissornikkut suliaq qanoq kingeriartoqartiginersoq takusinnaajumallugu.

#### **Ilanngussaq**

1. Sisimiuniit Maniitsumiillu meeqqat inuuusuttullu angajoqqaarsianut, namminersortunut aammal namminersorlutik oqartussat ulloq unnuarlu paaqinniffiinut inissinneqarsimasunut takussutissaq Meeqjanik, inuuusuttunik inersimasunillu innarluutilinnik Kalaallit Nunaanni Danmarkimilu inissinneqarsimasunut takussutissaq.

**Imm. 6.2 Sisimiuni Maniitsumilu Atugarissaarnermut Immikkoortortanut tunngatillugu  
Isumaginninnermi Naammagittaalliuuteqartarfimmi piffissami 1. juli 2021-mit  
31. December 2021 ilanngullugu aalajangiinerit pillugit ilisimatitsissut.**

*Journalnr. 40.00.01*

**Tunuliaquaq**

Qeqqata Kommuniani Atugarissaarnermut Immikkoortortap kissaatigaa, Isumaginninnermi Naammagittaalliuuteqartarfimmit aalajangiinerit tusarliunneqartalissasut, Qeqqata Kommunianilu Atugarissaarnermut Immikkoortortap siunissami ukiup affakkhaarlugit Atugarissaarnermut ataatsimiititaliaq aalajangiinerit pillugit ilisimatittalissavaa.

**Maleruagasatigut tunngavissat**

Oqaaseqaateqanngilaq.

**Pissutsit atuuttut**

2021-imik julip aallaqqataanit december 31-ata tungaanut Atugarissaarnermut Immikkoortortaqarfip Isumaginninnermi Naammagittaalliuuteqartarfimmit aalajangiinerit imak amerlassutilit tigusimavaat:

Sisimiuni: 14-it

Maniitsumi: 17-t

Taakkunannga Sisimiuni Atugarissaarnermut Immikkoortortaq aalajangiinerni 4-it isumaqtigineqarpoq.

Maniitsumi Atugarissaarnermut Immikkoortortaq aalajangiinerni 4-inik isumaqtigineqarpoq.

Sisimiuni Atugarissaarnermut Immikkoortortamut tunngatillugu aalajangiinerit 10, nutaamik aalajangigassanngorlugu Isumaginninnermi Naammagittaalliuuteqarfimmit utertinneqartut.

Maniitsumi Atugarissaarnermut Immikkoortortamut tunngatillugu aalajangiinerit 11 nutaamik aalajangigassanngorlugu Isumaginninnermi Naammagittaalliuuteqarfimmit utertinneqartut.

Utertitsinermut suliap naammattumik paassisutissartaqannginna peqqutaasinnaavoq, innuttaasumit allagaatinik sulialluunniit qanoq suliarineqarneranik amigaateqarnera peqqutaalluni. Taamaattumik suliaq suliareqqinnejassaaq, tamannalu aallaavigalugu Sisimiuni Maniitsumiluunniit Atugarissaarnermut Immikkoortortap imaluunniit Atugarissaarnermut Isumaginninnermullu ataatsimiititaliamilluunniit aalajangiineq atuttuusoq imaluunniit nutaamik isummertoqarsinnaassalluni.

Aalajangiinerni 0-ni Sisimiuni, Sisimiullu eqqaani innuttaasup maalaaruteqarnermini isumaqtigineqarluni, Atugarissaarnermut Immikkoortortap imaluunniit Atugarissaarnermut Isumaginninnermullu Ataatsimiititaliap aalajangiinera atortussaajunnaarsinnejarluni.

Aalajangiinerni 1-imik Maniitsumi, Maniitsullu eqqaani innuttaasup maalaaruteqarnermini isumaqtigineqarluni, Atugarissaarnermut Immikkoortortap imaluunniit Atugarissaarnermut Isumaginninnermullu Ataatsimiititaliap aalajangiinera atortussaajunnaarsinnejarluni.

***Atugarissaarnermut Ataatsimiititaliap februar-ip 7-ani 2022-imi ileqqusumik ataatsimiinnerra  
02/2022 – Imaqaeniliaq***

Naammagittaalliuuteqarnissamut killissarititaasoq qaangerneqarsimanera peqquaalluni Isumaginninnermi Naammagittaalliuuteqartarfimmiit suliarineqarsinnaanngitsut Sisimiuni Atugarissaarnermut Immikkoortortaqarfiata nalunaarummik tigusaqarsimanngillat. Naammagittaalliuuteqarnissamut killissarititaasoq qaangerneqarsimanera peqquaalluni Isumaginninnermi Naammagittaalliuuteqartarfimmiit suliarineqarsinnaanngitsut Maniitsumi Atugarissaarnermutimmikkoortortaqarfiata nalunaarummik ataatsimik tigusaqarsimapput.

2021-imi juli aallaqqaataaniit decemberip 31-ata tungaanut Isumaginninnermi Naammagittaalliuuteqartarfimmit aalajangiinerit ima agguataarsimapput:

	Qeqqata Kommunia isumaqtigineqarluni aalajangiinerit amerlassusaat		Isumaginninnermi Naammagittaalliuuteqartarfimmit aalajangiinerit utertinneqartut.		Innuttaasut isumaqtigineqartut aalajangiinerit amerlassusaat		Naammagittaalliuuteqarnissamut killissarititaasoq qaangerneqarsimanera peqquaallini suliarineqarsinnaanngitsut	
Suliap suussusaa	Sisimiut	Maniitsoq	Sisimiut	Maniitsoq	Sisimiut	Maniitsoq	Sisimiut	Maniitsoq
Pisortanit ikorsiissutit ineqarnermut akiliutissat kinguaattoorutit ilanngullugit	4	2	7	8	0	0	0	0
Siusinaarl. pensionit	0	0	0	2	0	1	0	0
Utoqqalinersiaqarneq	0	0	0	1	0	0	0	1
Innarluutillit	0	0	0	0	0	0	0	0
Ineqarnermut tapiissutit	0	2	3	0	0	0	0	0
Meeqqat inuusutuaqqanullu tunngasut	0	0	0	0	0	0	0	0
Katillugit	<b>4</b>	<b>4</b>	<b>10</b>	<b>11</b>	<b>0</b>	<b>1</b>	<b>0</b>	<b>1</b>

Aningaasaqarnikkut allaffissornikkullu kingunerisinnaasai  
Oqaaseqaatissaqaqanngilaq.

Atuilluartuunissakkut kingunerisinnaasai  
Aalajangiinerit tusarliunneqartalernissaat Atugarissaarnermut Immikkoortortap iluaqutaassasoraa.

Allaffeqarfiup naliliinera  
Kommunimi aalajangiineq pillugu innuttaasut naammagittaalliuuteqarnissaminut periafissaminnik atuisarnerat Atugarissaarnermut Immikkoortortap aallaavittut naammagisimaarpaa, soorluttaaq Isumaginninnermi Naammagittaalliuuteqartarfiup aalajangiineri tamaasa Atugarissaarnermut Immikkoortortap isigniartarai.

**Innersuussut**

Atugarissaarnermut Ataatsimiititaliamut Sisimiuni Maniitsumilu Atugarissaarnermut

Immikkoortortaqarfiiut innersuussutigaat

- Isumaginninnermi Naammagittaalliuuteqartarfimmit aalajangiinerit 2021-imi 1. juli 2021-miit  
31. December-i ilanngullugu pillugit ilisimatitsissut tusaatissatut tiguneqassasoq.

**Aalajangiineq**

Tusaatissatut tiguneqarpoq.

**Ilanngussaq**

Soqanngilaq.

**Imm. 6.3 Paasissutissiineq Sisimiuni Maniitsumilu Atugarissaarnermut  
immikkoortortanut tunngatillugu Kalaallit Nunaanni Ombudsmandimit 2021-mi  
saaffiginnissutit pillugit**

*Journalnr. 40.00.01*

**Tunuliaqt**

Sisimiuni Maniitsumilu Atugarissaarnermut Immikkoortortanut tunngatillugu Kalaallit Nunaanni Ombudsmandimit saaffiginnissutit amerlassusaat pillugit ammasumik pilersitsisoqarnissaa, Qeqqata Kommuniani Atugarissaarnumut Immikkoortortap kissaatigivaa. Qeqqata Kommuniani Atugarissaarnumut Immikkoortortap maannamiit ukiut tamaasa ukiup naalernerani, innuttaasut Kalaallit Nunaanni Ombudsmandimut saaffiginnittut amerlassusaat kiisalu suna pillugu saaffiginnittarnersut, Atugarissaarnermut Ataatsimiititaliamut paasissutissialissaq.

**Maleruagassatigut tunngavissat**

Oqaaseqaateqanngilaq.

**Pissutsit atuuttut**

2021-imi Kalaallit Nunaanni Ombudsmandimit saaffiginnissutit Sisimiuni Atugarissaarnermut immikkoortortaq tallimanik tigusaqarnikuovoq. Saaffiginnissutit tunngaveqarput innuttaasut marluk kommunip sullissinera pillugu maalaaruteqarsimasut taakkununngalu atatillugu Inatsisartut Ombudsmandiat paasissutissanik noqqaasarsimavoq.

Maniitsumi Atugarissaarnermut Immikkoortortaq ataatsimik tigusaqarnikuupput suliarlu meeqqanut suliaqarnermut attuumassuteqartuulluni.

**Eqtsit 1. Kalaallit Nunaanni Ombudsmandimit saaffiginnissutit pillugit takussutissiaq**

	Saaffiginnissutit amerlassusaat	
	Sisimiut	Maniitsoq
Innuttaasoq naammagittaalliorpoq siusinaartumik sulisinnaannginnermut qinnuteqaatimi suliarineqarnera pillugu	1	
Innuttaasoq naammagittaalliorpoq qitornameq angerlarsimaffiup avataanut inissinneqarnera pillugu	1	
Innuttaasoq naammagittaalliorpoq Meeqqat inuuusuttunullu sullissineq siviluvallaarnerarlugu.	1	
Suliaq meeqqanut suliaqarnermut attuumassuteqartoq		1
Katillugit	3	1

**Aningaasaqarnikkut allaffisornikkullu kingunerisinnaasai**  
Oqaaseqarfingineqanngilaq.

**Atuilluartuunissakkut kingunerisinnaasai**

Kalaallit Nunaanni Ombudsmandimit saaffiginnissutit pillugit ammanerunissamik pilersitsisoqarnissaa iluaqutaasussaasutut Atugarissaarnermut Immikkoortortamit isigineqarpoq.

**Allaffeqarfíup naliliinera**

Innuttaasut ilaasa Kalaallit Nunaanni Ombudsmandimut saaffiginnittarnerat aallaavittut Atugarissaarnermut Immikkoortortap naammagisimaarpaa, taamaalillutik aalajangiisimanerit imaluunniit imminerminnut sulianut tunngatillugu naammagittaalliorsinnaatitaanertik atortarmassuk.

**Innersuussut**

Sisimiuni Maniitsumilu Atugarissaarnermut Immikkoortortat Atugarissaanermut Ataatsimiititaliamut innersuussutigaat

- Kalaallit Nunaanni Ombudsmandimit 2021-imi saaffiginnissutit pillugit paasissutissiineq tusaatissatut tiguneqassasoq.
- Suliaq Kommunabestyrelsemut paasissutissiissutitut ingerlateqqinneqassasoq

**Aalajangiineq**

Tusaatissatut tiguneqarpoq suliarlu Kommunabestyrelse-mut ilisimatitsissutitut ingerlateqqinneqassaaq.

**Ilanngussaq**

Soqanngilaq.

**Imm. 6.4 Siulittaasup aalajangiinera pillugu paasissutissiissut. Sisimiuni  
Atugarissaarnermut immikkoortortami Immikkoortumi aqutsisutut atorfip  
Fuldmægtigimut allanngortinneqarnera**

*Journalnr. 03.00*

**Tunuliaqutaq**

Atugarissaarnermut immikkoortortaq immikkoortuni allanngortitilerutterpoq, immikkoortorlu fuldmægtimik pisariaqartitsimmat, immikkoortumi aqutsisutut atorfik fuldmægtigimut allanngortinneqarnissaa pillugu qinnuteqaatigineqarpoq, taanna suleriaatsit oqilisarniarlugit kiisalu allaffisornermiq suliassanik suliariinnittarnermik pitsaanerulersitsiniarluni.

**Maleruagassatigut tunngavigisaq**

Qeqqata Kommuniani Aqutsisunut pisinnaatitsissut

**Pissutsit atuuttut**

Tassunga atatillugu Atugarissaarnermut immikkoortortami aqutsisut, isiginninnerit assigiinnngitsut tunngavigalugit, allaffisornermi allanngortitilerutterpoq, sullissisut ulluinnarni periusaannik eqaannerulersitsiniarluni kiisalu innuttaasut sullinneqarnissamik periarfissasa pitsangorsarneqarnissaanut.

Atugarissaarnermut immikkoortortaq Allatseqarfimmi nalinginnaasumik allaffisornermiq aningasaqarnikkullu suliassanik suliariinnissinnaasumik sulisumik allaffimmiutut ilinniarsimasumik soqanngilaq, tamatumani naatsorsuutit, inneruussututit, akiligassanik akiligassiissutit, missingersuutit ingerlanerannik malitseqartitsineq Tullersortimit suliarineqartarlutik taamaattumik immikkoortumi aqutsisutut atorfik fuldmægtigitut atorfimmum allanngortinneqarnissaa pillugu qinnuteqaatigineqarpoq.

Tassunga atatillugu Atugarissaarnermut immikkoortortaq immikkoortunik katiterniarpoq, tassani Ikiorisarnermut aamma Meeqqanut Ilaqutariinnullu immikkoortortaq immikkoortortanngussalluni ataaseq, kiisalu immikkoortumi sulisut suelqatagalugit piffissami sivisuumi allanngortsiaartuaareernerup kingorna 2022-mi januarip aallaqqataaniit Innarluutilinnut Utoqqarnullu immikkoortoq immikkoortortanngorluni ataaseq. Sulisunut allakkianik, saqqummiussassanik suliaqarniarluni kiisalu sulisuni eqiteirnermiq ingerlatsinissaq suliariiniarlugu aqutsisoqatigiit arlaleriarlutik naapittarnikuupput, taamaalilluni allannguutit sapinngisamik eqaanneqarpaamik atuutsinneqalerniassammata taamaattorli paasissutissutiqarsinnaavoq, kattuffiit soorlu Atorfillit Kattuffiat aamma SIK sinniisui saqqummiinissamat aggersarneqarnikuummata aammalu immikkoortortassap ilusissaa nutaaq pillugu tusarniaaffigalugit, taakkunanngaanniit Atorfillit Kattuffiannit siniisoq takkulluni. Suliassanik sulisunut agguataarinermi iluaquitissartaa aammalu suleriaasiisa oqinnerulersinneqarnissaannik siunertaq ersarissuusoq sinniisup takusinnaavaa.

Sullissisut allaffisornermi suliassaqpallaartarpuit, suliassat taakku fuldmægtigip suliarisariaqarluarpai, soorlu akiligasssanik akiligassiissutit innersuussinerullu, kukkusumik atuiffilersukkanik misissuinerit, suliassat nalinginnaasut, allaffisornermi suliassat.

Atugarissaarnermut immikkoortortap akulikitsumik misigisarpaa, ingammik ERP-mik aaqqiissutip atuutilersinneqarnerata kingorna, akiligassat sumiiffinnut kukkusunut atuiffilersorneqartarnerat,

taamaattumik nuutsinissat pisariaqartarlutik tamannalu amerlasuuni nukissanik amerlasuunik tigusisarpoq.

Sullissisuniit allaffisornermi suliassat peernerisa inernerissavaa, sullissisut isumaginninnermi suliassani itineruusumik suliaqarnissaminnut piffissaqarnerulerterat, soorlu misissuinerit, isumaginninnikkut misissuinerit, iliuussisatut pilersaarutinik suliaqarneq malitseqartitsinerlu, innuttaasunik oqaloqateqarnerit, saaffisanut eqqortunut innersuussinerit, ikorsiissutinik akuersissuteqarneq, taakkunanna aningaasaqarnikkut suliassartai kiisalu akiligassanik innersuussutitartai kontorfuldmaegtigimit suliarineqartassallutik. Aammattaq naatsorsuutinik, missingersuutinik aningaasaqarnermillu aqtsinermik, missingersuutinik iluarsiissuteqarnermik il.il. fuldmaegtigip pisortap tullia ikiortassavaa.

Atugarissaarnermut immikkoortortaq Aningaasaqarnermut immikkoortortamit oqaasiinnartigut ilisimatinneqarpoq, utertitassat aningaasaqarnermut immikkoortortamit suliarineqartartut, immikkoortortamut tunniunneqassasut, kisianni tamanna qaqugorpiaq pilissanersoq ilisimaneqarani, taamaattumik suliassat takkukkumaartunik suliarinissinnaasumik Atugarissaarnermut immikkoortortaq sulisumik allaffisornermik ilinniarsimasumik piginnaasalimmik pisariaqarpoq.

#### **Atuilluartuunissakkut kingunerisinnaasai**

Sulismik allaffisornermik ilinniagaliammik atorfinitisitsisoqarpat atugarissaarnermut immikkoortortap sulisuni sulisassat assigiinngitsut oqimaaqatigiisissagai kiisalu akiligasanik piaarnerusumik suliarinnittarneq aamma eqqortumik atuiffilersuisarnissaq qulakkeerneqassaaq.

#### **Aningaasaqarnikkut allaffissornikkullu kingunerisinnaasai**

Sulisoqarnermut immikkoortortamit paasissutissat malillugit akissarsiat allannguutaat tullinnguuttutut isikkoqassapput;

Atorfii suussusaat	Qaammammut	Ukiumoortumik
Imm. aqutsisutut akissarsiat	33.933,45	407.201,40
Fuldmægtigimut akissarsiat skalatrini 41	26.400,87 taakkunanna nutserisinnaanermut tapeq	316.810,44
Nikingassut	7.532,58	90.390,96

#### **Allaffeqarfiup naliliinera**

Atugarissaarnermut immikkoortortap nalilerpaa, immikkoortut akimorlugit sulisuni oqimaaqatigiinnermik pitsaasumik kinguneqassasoq minnerunngitsumillu allaffisornerup aningaasaqarnerullu iluani sulianut ilinniarsimasumik aningaasaqarnikkut suliassat piffissap sivikitsup iluani suliarineqarsinnaalissallutik.

Atugarissaarnermut immikkoortortaq isumaqarpoq, immikkoortuni aqutsisut akuutinneqartut suleqatigiinnissamik piumassusermik annertuumik takutitsisut, aammalu immikkoortortap pisariaqartitaanut ataatsimut paasinnilluartut, taamaatumik allannguutinut tamarmik isumaqataallutik, kikkut tamarmik sulieriaasiannik eqaannerulerternissamut iluaqutaasumut.

Immikkoortortap aqutsisui ukiumut pilersarusiorikuupput, taakkunanna malitsiseqartitsinerni sukaterisoqarnissaanut pilersarusioriinssamut aningaasaqarnikkut ataatsimiittooqartassalluni aammalu atuinermi oqimaaqatigiissitsinerni, nuutsinernik iluarsiissutissanik siulliusassalluni.

**Innersuussut**

Atugarissaarnermut immikkoortortap Atugarissaarnermut ataatsimiititaliami siulittaasumut akuerequllgu innersuussutigaa,

1. 2022-mi januarip aallaqqataaniit atuutilersumik immikkoortumi aqtisusut atorfimmik fuldmaegtigumut allanngortitsisoqassasoq
2. Fuldmægtigtitut atorfiup akissarsiai qaammaammut 26.400,87 koruunitut annertutigisut skalatrin 41-mut inissinneqassasut
3. Qinnuteqaat Borgmesterimi akuerisassanngorlugu innersuussutigineqassasoq

**Siulittaasup aalajangiinera**

Innersuussut ulloq 14.01.2022 ataatsimiititaliap siulittaasuatanit akuersissutigineqarpoq.

**Borgmesterip aalajangiinera**

Innersuussut ulloq 14.01.2022 Borgmesterimit akuersissutigineqarpoq.

**Atugarissaarnermut Ataatsimiititaliap suliareqqiinera**

**Innersuussut**

Siulittaasup ulloq 14.01.2022 akuersissutaa tusaatissatut tiguneqassasoq.

**Aalajangiineq**

Tusaatissatut tiguneqarpoq.

**Ilanngussat**

1. Akissarsiat allannguutaat pillugu Sulisoqarnermut pisortap nassiussaa Sulisoqarnermut immikkoorttamit emaileq
2. Atugarissaarnermut immikkoorttamut aaqqissuussaaneq nutaaq
3. Immikkoortut suliassaannik agguataarinermut allanngortiterinermut allaaserisaq nutaaq

## **08. Tamalaat**

### **Imm. 8.1 Tamalaat**

Kirstine Olsen-ip Tilioq nittarsagaani inuit innarluutillit avammut nalunaarutigisartagai pillugit apeqquteqarpoq. Qeqqata Kommuniata allaffeqarfimmiit Tilioq attavigilaassavaat.

Utoqqaat illersuisuat aqqutigalugu utoqqaat angerlarsimaffiani corona nalaani sammisassaqtitsineq qanoq innersoq apeqqutigaatigaa. Pisortaanerugallartup akissuteqaatigaa, aammalu massakkut dagcenteri ammaqqinnikuusoq nalunaarutigalugu. Maniitsumi aamma killilersuutit atorunnaarnikuupput aammalu dagcenteri ammaqqinnikuovoq. ipad-inik aamma pilorsorneqarnikuupput utoqqaat ineqartut ilaquattaminnut facetime-kut takunnissinnaaniassammata.

Støttekorps-imik pilersitsisoqarsinnaanersoq apeqqutigaatigaa. Siulittaasup siunnersuutigaa tamanna Atugarissaarnermut ataatsimiitilamut oqaluuserisassangortissagaa.

Juliane Enoksen: Tulliani ataatsimiinnermi Atugarissaanermut immikkoortortaqarfik Sisimiuni Maniitsumilu nal. 12:00-miit nal. 13:00-mut pulaarneqassaaq. Tamanna Kommunalbsetyrelsep ataatsimiittarfiani pissaaq.

Allaffeqarfimmiit siunnersuusiorqassaaq suliffeqarfiiit sorliit nal. 12:00-miit nal. 13:00 tungaanut ingerlasartussamik. Pulaannginnermi pulaarnerup siunertaa ersarissumik allanneqartassaaq.